

Martullo vul resguardar dapli las differenzas regiunalas

Moziun da cusseglieria naziunala Magdalena Martullo

■ (mc) Il chantun Grischun è ferm per tutgà e perquai insumma betg inchantà da l'obligazion d'annunziar plazzas libras ch'è vegnida introducida avant passa in onn. Cun ina moziun vul cusseglieria naziunala Magdalena Martullo (pps GR) ussa schluccar quest'obligazion cun resguardar dapli las differenzas chantunalas e regiunalas. Cun sia moziun vul *Magdalena Martullo* perquei regiunarisar l'obligazion d'annunziar plazzas libras en connex cun la quota da dischoccupaziun. Il cussegli federal duai vegnir incaricà d'adattar l'ordinaziun davart l'intermediaziun da la lavour e l'emprest da persunal en quest senn. Relevanta per l'obligazion d'annunziar plazzas libras na duai betg la quota da dischoccupaziun eruida per l'entira Sviza esser, mabain la quota regiunala u chantunala d'ina sparta professiunala. Plinavant saja l'obligazion d'annunziar plazzas libras da limitar geograficament sin regiuns u chantuns nua che la quota da dischoccupaziun cuntanscha u surpassa ina limita definita. Questa limita duai vegnir fixada dal Departament federal per economia, furmaziun e perscrutaziun mintg'onn en il decurs dal quart quartal per l'onn proxim. En quest connex duain era vegnir definidas tge spartas professiunala che vegnan suttamessas en tge regiuns u chantuns a l'obligazion d'annunzia.

Manchetà d'exequir l'iniziativa cunter l'immigrazion da massa

Sco quai che Martullo accentuescha han cussegli federal e parlament manchetà

d'exequir la voluntad da l'iniziativa popula «cunter l'invasiun da massa», inoltrada da la pps. Enstagl è vegnida introducida l'obligazion d'annunziar plaz-

zas libras en branschas cun ina quota da dischoccupaziun surproporziunala. Quest instrument n'haja dentant betg pudi franar ni l'enorma immigraziun ni

sias consequenzas negativas sin l'economia e sin la populaziun, punctuescha Martullo. Il contrari: Ils tschais d'affitaziun sajan crescids, la quota da disch-

occupaziun a lung termin e da persunas pli veglias senza lavour medemamain. Era la criminalitat saja crescida, pretenda Martullo. Plinavant hajan ins creà cun questa regulaziun in'ulteriura fanestra biorocratica.

Grondas mancanzas tar l'applicaziun pratica

Plinavant dettia grondas mancanzas tar l'applicaziun pratica da l'obligazion d'annunzia. Tar la quota da dischoccupaziun da singulas branschas na prendian ins nagin resguard da las differenzas chantunalas e regiunalas. Actualmain stoppien plazzas libras en ils chantuns ed en las regiuns vegnir annunziadas als posts per intermediaziun da lavour. Regiuns cun ina bassa quota da dischoccupaziun en ina branscha obligada a l'annunzia vegnian uschia sut las rodas. Ina differenziazion regiunala u chantunala da l'obligazion d'annunzia fissia pli efficienta, è Martullo persvadida. Las datas correspondentes sajan numnadament sin avan maun. Sin il portal da plazzas da la confederaziun possian ins examinar schebain ina plaza è suttamessa a l'obligazion d'annunzia u betg. En l'avegnir stuessian ils patrums sulettamain inditgar il numer postal sper la professiun tschertgada. Questa nova reglamentaziun corrispondia dal reminent er a l'artitel 21a da la lescha che pretenda che las plazzas libras en spartas professiunala da las regiuns economicas cun ina procentuala da dischoccupaziun sur la media vegnian annunziadas.



Cunzunt en la gastronomia chaschuna l'obligazion d'annunziar plazzas libras ina gronda lavour supplementara senza in niz concret. MAD